

Headline	Perlu lebih kreatif, inovatif		
MediaTitle	Utusan Sarawak		
Date	25 Nov 2011	Color	Full Color
Section	EKONOMI	Circulation	37,981
Page No	e1	Readership	113,943
Language	Malay	ArticleSize	453 cm ²
Journalist	MULLER ASEN	AdValue	RM 1,690
Frequency	Daily	PR Value	RM 5,070



S'wak sumbang RM20 juta pasaran eksport perabot Perlu lebih kreatif, inovatif

MULLER ASEN
KUCHING, Khamis — Sarawak hanya mampu menyumbang kira-kira RM20 juta atau 0.3 peratus daripada RM5.6 bilion nilai pasaran eksport perabot negara sehingga September lalu.

Timbalan Menteri Perdagangan Antarabangsa dan Industri (MITI), Dato' Jacob Dungau Sagan berkata berdasarkan prestasi atau sumbangan yang agak kecil itu, pemain industri perabot Sarawak perlu lebih kreatif dan inovatif untuk terus kompetitif dalam pasaran tempatan atau dunia.

Menurutnya, usahawan atau pemain dalam industri perabot tempatan juga harus mempelbagaikan inovasi dan produktiviti khususnya dalam penggunaan bahan mentah, reka bentuk dan pengurusan industri melalui latihan selain penyelidikan dan pembangunan (R&D).

"Memandangkan Sarawak merupakan negeri yang kaya

dengan hasil semulajadi dan nilai-nilai kebudayaan etnik, penggunaan bahan mentah baru seperti kayu nibong, batang kelapa dan batang kelapa sawit serta ukiran motif tradisional hendaklah sentiasa dipergiatkan.

"Elemen-elemen ini perlu diserapkan bagi meningkatkan nilai tambah produk selain penghasilan bagi produk pasaran 'niche' yang mampu menjanjikan pulangan lumayan dan pasaran stabil kepada usahawan industri perabot di negeri ini," katanya.

Beliau berkata demikian dalam sidang media selepas merasmikan penutupan Seminar Pembangunan Usahawan Industri Perabot Sarawak di salah sebuah hotel terkemuka di sini hari ini.

Seminar dua hari itu merupakan inisiatif strategik MITI dengan Perbadanan Perusahaan Industri Kayu Sarawak (PUSA-KA), Institut Penyelidikan Perhutanan Malaysia (FRIM) dan Universiti Malaysia Sarawak (UNIMAS).

Sasaran seminar yang dihadiri kira-kira 100 peserta itu adalah untuk meningkatkan kemahiran dan peluang pemasaran produk perabot di peringkat domestik dan antarabangsa; meningkatkan nilai kompetitif produk melalui

pembangunan reka bentuk dan kualiti produk; dan pengukuhan kapasiti pengeluaran produk melalui teknik serta teknologi pembuatan perabot yang efisien.

Terdahulu ketika berucap, Ahli Parlimen Baram itu memberitahu potensi industri perabot dapat dilihat melalui pencapaian eksport bagi tahun 2010 dengan menduduki tempat kelapan sebagai pengeksport perabot dunia dengan nilai pasaran RM8 bilion.

Katanya, jumlah eksport negara akan terus meningkat memandangkan permintaan yang tinggi dari pasaran dunia

Headline	Perlu lebih kreatif, inovatif		
MediaTitle	Utusan Sarawak		
Date	25 Nov 2011	Color	Full Color
Section	EKONOMI	Circulation	37,981
Page No	e1	Readership	113,943
Language	Malay	ArticleSize	453 cm ²
Journalist	MULLER ASEN	AdValue	RM 1,690
Frequency	Daily	PR Value	RM 5,070

yang secara langsung menyumbang kepada peningkatan pendapatan negara.

"Produk perabot kita telah dieskport ke negara-negara Eropah, Amerika Syarikat, Afrika dan negara Timur Tengah.

"Malah kita akan berusaha untuk meneroka pasaran baru selain mempromosi produk secara agresif di pasaran antarabangsa, terutama negara yang tidak mementing harga dan penggunanya bersedia membayar untuk produk bernilai tinggi," katanya.

Sementara itu, Pengurus Besar PUSAKA, Datu Haji Sarudu Haji Hoklai berkata, Sarawak yang masih

mempunyai sumber kayu yang banyak berpotensi tinggi untuk memajukan industri perabot untuk pasaran tempatan dan eksport.

"Ia khususnya dalam pengeluaran perabot berasaskan kayu dari ladang hutan acacia yang berpotensi untuk diterokai," katanya.

Hadir sama, Ketua Pengarah FRIM, Dato' Dr Abdul Latif Mohmod, Timbalan Pengurus Besar PUSAKA, Haji Hashim Bojet, Pengerusi Persatuan Vendor Perabot PUSAKA, Bahaman Mohd Sulaiman serta tetamu jemputan lain.



CENDERAHATI... Dato Jacob Sagau menerima cenderhati daripada Datu Sarudu Hoklai pada Majlis Perasmian Penutup Seminar Pembangunan Usahawan Industri Perabot Sarawak yang berlangsung di Hotel Hilton Kuching semalam. • MUHAMMAD RAIS SANUSI